

道州志卷之十

風土 風俗 土產



嘗觀爾風月令諸篇凡民間農桑之重瓜瓠之微
織悉必載良以一道德以同俗愛土物而心臧皆
王者教養之大經也而俗吏鞅掌簿書謂此為瑣
務不妨聽民自為於是澆漓之風凋殘之象咸置
若罔聞焉烏乎可州境民多近古地鮮不毛上風
俗之書不流奢麗登食貨之志無事珍奇苟能因
勢以化其偏物土而布之利則家敦禮讓戶盡豐
饒於以長享

道州志

風土

風俗

聖天子樂利之休也不其懿與志風土

雍正五年奉

上諭朕觀四民之業士之外農為最貴凡士工商賈皆賴
食於農以故農為天下之本務而工賈皆其末也今
若欲於器用服玩之物爭尚華巧必將多用工匠以
為之市肆之中多一工作之人即田畝之中少一耕
稼之人此逐末之所以見輕於古人也且愚民見工
匠之利多於力田必羣趨而為工羣趨為工則物之

製造者必多物多則售賣不易必至壅滯而價賤是
逐末之人多不但有害於農而並有害於工也小民
舍輕利而趨重利故逐末易而務本難苟爲官者遽
然繩之以法必非其情之所願而勢有所難行惟在
平日留心時刻爲之勸導使小民知本業之爲貴又
復訓飭閭閻崇尚樸實工作之閒不爲華巧如此日
積月累遂成風俗雖不必使爲工者盡歸於農然可
免於農者相率而趨於工矣至於士人所業在乎讀
書明禮以爲世用故居四民之首然父兄之教子弟

道州志

卷之

五十一

二

風俗

亦當觀其才質如何若果穎悟恂謹可望有成則當
使之就學而爲士若愚濁中下之資讀書難通卽當
早命改業歸農使之盡力於南畝以爲仰事俯育之
資誠恐讀書不成而又麤識數字曠廢閒遊必致非
分妄爲越禮犯法是浮慕讀書之名而不得其道其
傷農而害本者爲尤甚亦不可不知戒也朕深揆人
情物理之原知奢儉一端關係民生風俗者至大故
欲中外臣民黜奢賤末專力於本人人自厚其生自
正其德則天下共享太平之樂矣昔人云由儉入奢

易由奢入儉難不知奢者取用少而費力多儉者取用多而費力少則由奢入儉乃人人行之甚便者不可謂難也朕自身體力行爲天下先諸王內外大臣文武官弁與鄉紳富戶當深體朕心欽遵朕諭期共勉之勿視爲具文

氣候 州居正南之地毗連兩粵得春最早草木易於蕃蔚雪無盈尺冰不累寸時有霖雨卽大旱亦不逾月陰雨鬱蒸衣服皆生白醭屋棟嘗爲蟻蛀夏日遇雨輒涼冬月遇晴輒暖語云四時皆夏一

道州志

卷之十

風土

三

風俗

雨成秋其大較如此

節序 元旦早起擇利方出行彼此交拜家供油菓膏餠之屬午晏合家團坐謂之團年餘日互相欸洽爲春觴多醉態上元節觀燈以初十日爲始編竹爲龍蒙以布遊于城鄉或造魚蝦獅象之類結隊隨行揭鼓鳴鈺鼓舞達旦間有賈其技勇執戈揚盾爲弄獅子戲每啟爭端多不取焉驚蟄日以石灰遍灑墻戶避虫蟻社日祭社鄉村操豚會甚衆清明節插柳于門大小皆入宗祠祭畢飲福爲

合食之禮先後數日以次祭奠墳墓謂之掛掃四月八日浴佛節婦女多造青精飯五月端午城市龍舟競渡于東西洲鼓聲喧震觀者如堵家造角黍切蒲屑拌殊砂雄黃和酒飲之正午塗小兒額頂掌心云可稀痘多採艾草爲湯沐避瘡疥六月六日祭土神小暑食菽大暑食穀擇日試新忌用雞以其音類饑也七月七夕婦女設瓜果穿針乞巧中元節供祖先前三日迎神至日製冥衣楮錢送之中秋以月餅相饋遺士人多爲文讌飲酒

道州志

卷之十

風土

四

風俗

達旦名曰賞月重九摘茱萸煎油茶飲之造重陽酒間或結伴登高立冬後多酬神廟舉婚葬事簫鼓聲喧遠近互應臘月二十四爲小年節合家齋戒供素品以祀灶除夕爲大年節家家換桃符貼門丞晚迎灶神遍祀家廟老少坐以守歲爆竹之聲徹曉

占驗 正月元日以風之方向占歲之登耗北主稔南主歉又觀天色明多晴暗多雨元宵末日占早稻諺云雨打殘燈碗早禾一把稗立春日喜晴諺

云立春晴一日農夫不用力月內有雪則忌雷諺
云正月雷打雪二月雨不歇是月也始剪韭移花
木圓圓築墻二月社日下種各社穀秧爲早禾是
日宜雨諺云春社無雨莫種田秋社無雨莫種園
驚蟄日占寒暖諺云驚蟄寒綿被不上床驚蟄暖
棉衣到小滿是月也筭蕨登盤農乃糞田修車壩
童子入館三月清明日宜晴諺云清明要明穀雨
要雨又曰二月清明莫在前三月清明莫在後穀
雨日下種各穀雨秧是月也採桑摘茶浸穀種此

道州志

卷之十

風土

五

風俗

犢徧于郊四月八日宜晴諺云四月八日晴打鼓
唱太平四月八日雨踏斷水車甬立夏小滿二日
俱宜雨諺云立夏不下高田且罷小滿不滿芒種
不管是月也乍暖乍寒梅黃麥熟新秧出水蠶事
畢始插五月朔日宜晴農家以爲龍晒衣以夏至
占米價諺云夏至五月頭便食又便愁夏至五月
終航攔糴米翁又云早禾出來拜夏至二十六日
後有雨爲分龍雨是月也灰田往耘早禾胎人皆
望雨六月入伏日忌雨爲瀝伏立秋日忌雨爲瀝

秋皆有碍收穫凡春夏間將雨不宜雷諺云雷公
先唱歌有雨也不多是月也青黃不接小獲民乃
嘗新麥菽佐餐田多露宿七月七夕占天河隱見
定來歲米價早現則貴遲現則賤杜詩米價問天
河是也諺云天河蓋屋脊家家有飯吃處暑後禾
盡熟諺云處暑滿天黃是月也大獲剝棗食瓜始
種豆八月小則多蔬菜中秋雨則次年燈節亦雨
諺云中秋月不明雨打上元燈白露日宜種菜諺
云處暑蕎麥白露菜又云白露三朝種禾亂標月

道州志

卷之十

風土

六

風俗

內宜晴若有雨雷鳴則多病諺云八月一露九晴
光人少疾病殃是月也收稻草刈麻檢綿花紡車
夜聞九月一日至九日以南北風占穀價諺云南
風吹過北有錢賣不得北風吹過南無錢叫來擔
重陽日晴則冬無雨雪諺云重陽無雨看十三十
三無雨一冬乾是月也種禾熟茶子落擇日燒灰
十月一日宜晴諺云十月初一晴柴炭灰樣平自
朔至望皆霜占次年大熟否則歉是月也小陽春
高粱折梗冬籐漸收十一月不宜霜諺云仲冬月

照霜確頭恐無糠冬至在上旬則冬寒在中旬則
暘在下旬則次年三春皆寒是月也採薪釀冬酒
畢婚嫁凍田十二月宜雪諺云一雪蝗自空二雪
麥更克三雪年大豐除夕星光燦爛主來歲木棉
茂盛若昏黑主春夏多魚是月也淬池竭河有魚
圍油果香人皆獻歲

凡四季甲子不宜雨夏月河水泛溢食之多瀉謂
之麥浪爛八九月驟雨驟寒多瘧謂之秋擺子冬
間晨霧主晴春夏則否諺云冬霧晴春霧雨春霧

道州志

卷之十

風土

七

風俗

重者名黃沙諺云一日黃沙三日雨春夏間有飛
虫觸人面或羣撲燈火主水夜間有赤星大如斗
吐芒曳尾自空飛下所落之地必遭回祿俗謂之
火殃白者謂禍殃蓋熒惑之變也設綿蕤爲營而禳之
可無患夏秋間大霧暝迷須臾爲風掃去日色晴
明則主旱或野草遍爲虫蝕狀如火燎或瓜藤結
核如木瘦皆旱之兆節錄近遊雜綴

春冷主雨夏冷主晴蚯蚓鳴溝水臭主雨夏夜有
風主旱諺云夜風悠悠乾死泥鰍蟻鬪白雲如馬

尾皆主旱虹謂之杆諺云東杆日頭西杆雨

以上古驗各條皆參考諸書遍詢故老雖村語里
諺成所不遺而于農事尤加詳焉亦以脩課晴問
雨之助
云爾

習尚 人情樸而不華廬室器具皆尚質衣服多用
布雖祁寒裘衣不多見日食三餐宴賓止雞魚不
事珍饈城市無茶坊酒肆之設青樓狹邪猶所未
覩雖貧耻典衣物故合境不立當舖殷實之家硜
硜自守淡於仕進鮮納粟為官之人士大夫出必
步行或乘輜則人非議之安土重遷不肯遠遊適

道州志

卷之十

風土

八

風俗

百里外即思歸鄉人尤稚曾有終身不習官話不
入城市見官府者婦女不炫妝飾勤于女紅麻棉
之外間亦治蠶雖富必親井曰雖貧不習農功寒
家多以針黹代食出必羣起耻再醮不肯填房讀
書識字者尤鮮

冠 冠禮不行由來已久不獨州境為然今
功令頒行帽頂品級秩如士人雅重之入泮授職必
先筮日延賓設席受賀然後戴以拜客庶幾近禮
矣至女子將嫁有所謂上頭禮頗合於笄之義誰

謂古禮為盡亾哉

昏 昏禮多尙門第喜結舊親初行下定禮儀物
無多次則行聘用厚幣索女庚帖謂之送年自是
而上頭而報日衆禮畢脩始定期先日結彩張燈
為酒食以召親友父醮子於堂上日伴郎及夕製
催妝啟用二鶯以代雁鼓樂綵轎送至女家日迎
轎此親迎也新婦至門以二婦逆而入日示娘入室
先拜甄機取中饋紡績之意次廟見次拜翁姑親屬及夜
合昏日交親明日婿往女家日拜門但取新婦巾

道州志

卷之十

風土

九

風俗

輓簪花以往拜謁殆遍女父母厚欸之日卯筵但
多索歌堂錢耳至嫁女之家連夕設花筵以待母
女環坐命戒而哭親隣姊妹間以歌唱音嫋嫋可
聽徹夜不休詰旦隨妝奩以行止兄弟一人偕媒
氏往送之即日必歸雖遠無畱宿者案嫁女索重聘娶媳計厚奩此惡俗也州民向稱古樸鮮有此弊至今不盡然矣繁費過多則貧家不肯育女寒士難于娶媳可不戒哉顧古禮既不可廢俗情未能盡捐斟而行之存乎其人耳至于抱養幼媳如同毛裏則異日竹筭布裙完配甚易而潑悍之婦小不如意輒肆行凌虐以致人皆畏懼有甘于溺女而不悔者可歎也婢女亦人子或禁錮之使失其時傷天害理莫此為甚亦獨何心耶

喪 始死沐浴具衣衾殮于地供含飯子女環哭
親隣共守之越日乃殮設靈哭奠訃告諸戚三日
成服吊唁畢至各分白布一段曰散孝親屬設筵
于靈曰上飯七日開奠作道場曰應七四十九日
曰滿七行封喪禮或有在月內卽葬者不論年月
過此則擇地選期遥遥莫必矣比葬先期請親友
典儀設家奠然後戚族以次奠賻厚者用羊豕餘
則否亦有各出分金同製祭帳者最簡便日三值食中夜待朝祖禮
始遷柩出俗重題主請親友或長官爲之祖奠畢引匱登山

道州志

卷之十

風土

十

風俗

候吉時下礦祭告后土歸妥靈於廟款賓友曰回
喪三日上墳曰復山地無過制封無越分碑銘畧
而信案送死大事也今士大夫猶知遵文公家禮餘不盡然如始死則隣里畢聚擊鼓高歌各日關喪是以死爲樂也廣延僧道禮懺誦經富家或大作水陸道場名曰超度所費不貲又多信青鳥之術聘請堪輿遠覓風水兄弟多者往往以房分相爭致淹葬事此皆知禮之君子所宜亟爲改正者也

祭 春祭最重每歲清明日合族子姓咸在潔寢
廟具牲幣質明而祭以族長爲之主然後合食以次序坐
無敢越陳祖訓明勸懲其禮綦嚴或各家私祭謂

之小清明

各族皆有祭田

既乃往奠於墓謂之掛祭秋祭

則於七月中元日先期各供迎祖先像製竹櫃紙

包

內貯冥資數事

向空焚之名曰燒包家有亾人則親屬

各以此饋送謂之鬼節餘則先人生忌辰及歲時

焚香楮而已外此惟臘月祀竈或各廟賽會多延

巫覡名曰樂神又有衆姓醵金酬愿打醮歌演戲

文扮故事放花樹

八月間城西將軍廟最盛

舉國若狂每歲秋

冬間遠近村坊喧闐不歇

案前漢地理志謂楚俗信巫鬼重淫祀由來舊

矣家奉神像往往不知其名各廟亦多不載祀典猶曰敬神也至於人有疾病不信醫而信巫延致

道州志

卷之十

風土

十一

風俗

家中滿堂供設神鬼吹角鳴鼓戟指念咒翻襪跳舞名曰冲儺曰送鬼曰拜斗曰十保福愈則歸功于巫不愈則委咎于命今其中有所謂傳度師引度師諸名曰遠近爭為迎致所得錢米雞肉無筭又有女巫曰仙娘曰鬼婆皆白晝見怪說亾人陰事婦女崇信之或涕泣禮拜甚可笑也

士

士習尚樸實重師長親學校畏有司刁健之風

熄焉寒素者或半耕半讀資性多沉潛文章多醇

正四子五經外間亦博涉子史工詩律講法帖者

較昔頗多入泮後大半舌耕為業經蒙師各有分

途應童試者多至千餘人

案劉禹錫記云瀟湘間無土山無濁水民秉是

氣往往清慧而文其言是也况州為濂溪故里圖書宛在風月依然必有潛心理學之士如義冲遠

周季分兩先生曼乎尚矣科名則前明熊莊簡公
蘇近今若翰林庶子何仙槎凌漢其初未遇時
有然燥掌之苦及居清要亦刻厲自如前輩風
流皆堪則徽州故多寒士儻能深自奮勉未必不
方焉前人尚冀振興學校者多方培植以伸士氣
則第
矣

農 州之農務全在稻田有恒產者自食其力俯仰

固為寬裕貧乏者佃種富室之田償租之外與已

業無異凡山頭地角開懇無遺種田之法先治秧

田撒穀種繼治白田再三犁耙有四犁者以糞壅之

乃分秧栽插其糞之也或種滿園花連根刈之或

道州志

卷之十

風土

十一

風俗

剗薙生草入田腐爛謂之晒青又以雜糞入之謂

之下肥栽秧三十日乃耘俗名蔣稗有次則撒石

灰以去虫螟兼暖土性苗乃轉青至將熟則去其

水謂之放秋令顆粒堅實黑壤之田壅糞太多則

苗長而粒不實俗謂之茂言肥沃太過也收穫後

復瀦水于田曰凍田秋冬間相率刈枯草燒石灰

以備來歲之用餘日則種蔬菜拾柴薪無稍間者

大抵上農夫一人止能種十餘畝否則多雇長工

始能畢務蓋其艱苦如此今則以爭水強獲

工 州人皆不習手藝一切匠事咸外境人爲之每歲羣至分布城市鄉村計工受值各食其力歲終負橐而歸惟銀錫銅鐵諸器具及造綿紙製皮箱土人或能之然亦甚稀不足備用無遊藝于外者商 州境上通兩廣下達衡湘四無關隘富商大賈雲集輻輳多江浙隣境之人灘高水急難容大船往來販運止用三四艚杷桿小撥倒划等船例准借食粵鹽許肩挑不許裝載向有給帖之青靛氈貨桐油柿棗四行共納課銀七兩五錢本地逐末

道州志

卷之十

風土

十三

風俗

者少惟裝運桐茶油木料白炭等貨發賣俗名走下河

餘則開小店居積而已廛市在西門外百貨俱集四鄉亦有市鎮民間交易多用制錢併無沙板私鑄銀色九五六不等低潮不用平兌一遵司頒法碼常用之斗較官爲小容十升家居禾以秤穀以斗丈田弓口甃其石于治堂之右階

方言

謂父曰翁

卽爺之轉也

母曰孃祖父曰公祖母曰

媽子曰崽

水經注弱年崽子是也

初生命名多稱某崽又曰

狗賤之所以貴之也

司馬相如小謂曾孫曰息兒名犬子是也

謂弟曰孺音及凡數兄弟曰幾孺音未生者為晚訛
為滿兒多曰毛小兒拜緇流為假父曰寄子拜平
人為假父曰乾兒游手者曰溜打鬼謂外境人曰
拐子鄉人曰古老撒潑曰放賴將午曰茶時午後
小餐曰壓申物醜曰跛失曰跌棄曰丟謂極曰蠻
如蠻大蠻事畢曰過了人肥曰奮讀旁去聲跛足為躄
戲曰弄病曰不耐煩不潔曰邈邈其餘不能悉載
又鄉間皆有土談與官話全異雖生長於斯者亦
難通曉不知始自何時而永道江數邑皆然永明

道州志

卷之十

風土

古

風俗

蔣侍御雲實作近遊雜綴以其字與古韻相配往
往而合考據殊博辨大抵南音多低平入二聲不
甚分別此其常也

凡訴牒券約有常用之字不見經傳者字雖俗鄙
而偏旁亦有依附今記數字於此以備考證音但

泥窪音累有音沒天音近彌音枯讀若音山

也音反孺音及孩也音沒天音近彌音枯讀若音山

音等立聞
以分水

洲音浚田音道澇

土產 各種俱載俗名

穀之屬

黏禾 糯禾 釀酒用皆有 種禾 俗名 旱禾 種於地 大麥

小麥 蕎麥 高粱 黍子 糜子 玉米 穀甚多

粟米 一名 薏苡 多生 豆子 有青黃赤黑數種又有

芝麻 亦可 雜糧 方菽 紅白 芋頭 水旱 蕨根 可食

蔬之屬

筍 其類甚多 蕨 薇 薑 葱 蒜 韭 薤 芥

白菜 蘿蔔 胡蘿蔔 菠菜 莧菜 茄子 胡荽

道州志

卷之十

風土

十五

土產

茼蒿 豆角 豆芽 脚板 竹菽根 百合 山藥

芋苗 香椿 蕹菜 生菜 海菜 白 白菜 花 木耳

香菌 苦菜 蒸菜 芹菜

蔬之屬

王瓜 冬瓜 西瓜 南瓜 絲瓜 苦瓜 匏瓜

花瓜 葫蘆瓜 滾地瓜

果之屬

梅子 李子 桃子 梨子 棗子 松子 蓮子

瓜子 柑子 柿子 橘子 栗子 香櫞 荸薺

蒲萄 梧實 胡桃 花生 楊梅 菱角 銀杏
芡實 桑椹 茨菰 櫻桃 百果 枇杷 藕

木之屬

松 栢 杉 桑 柞 桐 茶 槐 梓 檀
樟 櫟 楓 棟 蠟 柳 柘 楊 根 株
櫟 榭 檇 栗 棗 梅 李 桃 梧 柏

竹之屬

紫竹 水竹 南竹 佳竹 苦竹 方竹 洞竹
斑竹 白竹 櫻竹 蘆竹 箭竹 觀竹 皮竹

道州志

卷之十

風土

六

土產

花之屬

茶花 木槿 桃花 茉莉 薔薇 茶蘼 蓮花
芙蓉 木犀 棠棣 梅花 梨花 桂花 瑞香
夜合 杜鵑 牡丹 芍藥 蘭花 繡毬 剪絨
百合 萱花 玉簪 玫瑰 雞冠 梔子 臙梅
金錢 絳桃 石榴 紫薇 海棠 鳳仙 水仙
葵花 菊花 臙脂 木香 紫荊 金粟 魚
夾竹桃 秋海棠 月紅 印山紅

藥之屬

茯苓 首烏 枸杞 菖蒲 山梔 瓜蒌 百合

香薷 澤蘭 紫蘓 薄荷 皂角 枳實 蒼朮

萱草 杏仁 桃仁 藁本 茴香 槐角 烏梅

巴豆 車前 蓖麻 牽牛 黃蘗 菊花 花椒

香附 陳皮 黃精 荊芥 當歸 厚朴 沙參

玉竹 牛膝 烏頭 木瓜 槐薑 紅參 蒼草

菴蓂 金櫻子 桑寄生 夏枯草 蒼耳 地骨皮 女貞子

益母草 車前子 石鍾乳 五倍子 天門冬 麥冬 五加皮

白扁豆 草决明 土茯苓 冬青子 金銀花

道州志

卷之十

風土

七

土產

草之屬

藍 苧 葛 蔦 茅 荻 蒲 艾 蕉 薜荔

菅茅 白苳 青苔 水藻 浮萍 江蘚 杜若

吉祥草 穀精草 旱蓮草 魯草 蓼草

羽之屬

雁 鶯 燕 鶯 鷗 鴟 鳧 雉 鵲 蒼鷹

鶴 鴿 鶩 鴨 鷄 鴉 鴉 雀 鳶 布穀

斑鳩 啄木 鷺鷥 鷓鴣 畫眉 百舌 鷓鴣

竹雞 子規 鵲 鵲 魚鷹 竹鳳 錦雞 八哥

寒雞 白頭 油蘆 烏子春

毛之屬

馬 騾 驢 羊 豕 犬 猫 虎 豹 狐

鹿 麋 麂 獾 鼠 獺 兔 狸 野牛

野猪 黄牛 水牛 毫猪 山羊

鱗之屬

鯉 鱣 鮓 鯖 鰈 鯨 鰵 鱧 鱧 鰩

烏魚 草魚 白鱖

介之屬

道州志

卷之十

風土

六

土產

龜 鱉 蚌 螺 蟹

虫之屬

蠶 蜂 蟬 蠅 蚊 螢 蟲 蠹 蟻 蛇

蛙 蝶 蜴 蝌蚪 蛤 蛴 蜈蚣

蜻蜒 螳螂 蜘蛛 蝙蝠 蝸牛 蟋蟀 螻蛄

蟋蟀 螻蛄 龜馬 鼠婦 蠅虎

食貨

油

州中茶油桐油最多西南一帶茶子樹連山彌亘遠望如薺霜降後子熟各家男婦往摘多者數十百石不等貧家子女羣拾其遺謂之撈山子亦有得數石者其殼可以燃火為三冬禦寒之用桐子

亦然但微少耳此二種裝運下河其利最夥外有
蘇油綿油豆油菜油又有相油牛油可為燭俱稀
釀酒多用糯米而種糯更佳近亦參用雜糧謂之
水酒取其糟蒸之謂之燒酒兼用之謂之兩醪又
有以酒釀酒謂之重酒鄉民於冬間釀而熬之以
缸封貯窖于土中越歲開飲之謂之冬酒皆能醉
人通志云道州以紅稻釀

茶葉 出西北靈王廟山內最多逢穀雨日帶露摘之
甚柔細以後漸粗陳久者良南路近江邑猺山

皮蛋 取鴨蛋以麥灰石灰和鹽拌調之包於殼外久
則其黃變紅其白成金且色且有花紋味甚美

木料 山中多種松杉大小不一客入斬代之移置溪
岸作巨筏俟春水漲時順流而下松木則鋸斷

木炭 州境柴薪甚多雖富家鮮用炭者取炭皆客人
羣聚開窑斬燒殆遍販運於外利益最多然往

香蕈 一名茶蕈出永明界甘美不下磨茹又有石耳
生陰崖間地耳生濕地上俗名雷公菌以雷鳴

雞肉 其餘春末秋初種類甚多然有毒不可食

道州志

卷之十

風土

十九

土產

往與居民滋事不可不慮也

始生也品在石耳之下又有雞縱菌生樹間味如
雞肉其餘春末秋初種類甚多然有毒不可食